



Heyi bugu ya nganea ndi ya Kgothatso Montjane.

O bebwa nga 1986 ngei Polokwane, lokishini la
Seshego.

Hoyu musidzana o bebwa e na vhulwadze vhu
kwamaho zwanda na milenzhe yawe.

Fhedzi o aluwa a vha mutambi wa bvumo wa
thenisi!



Vhulwadze ha Kgothatso ho ita uri madokotela vha tumule mulenzhe wawe muthihi nga fhasinyana ha gona. Zwino u shumisa mulenzhe wa mafanedza.

Musi a tshee mutuku, vhanwe vhana vho vha vha sa todi u tamba nae nga nthani ha vuholefali hawe.

Fhedzi mme awe a vho ngo mu fara sa muholefali, nahone Kgothatso o vha e na mishumo ya hayani.



Mme a Kgothatso vho mu isa tshikoloni tsha *Helen Franz Special Needs School*.

Hetshi tshikolo ndi tsha vhagudiswa vha re na vuholefhali.

Musi e kha tshenetshi tshikolo ndi hone he a sumbedza mpho yawe kha zwa mitambo.

Tshikoloni, o guda u tshina mitshino ya *Ballroom* na *Latin America*.



Muñwe wa vhadededzi vha Kgothatso, o mu khetha uri a ye u imela tshikolo tsha hawe kha mitambo ya thenisi ngei Johannesburg.

Kgothatso o vha a sa athu vhuya a tamba thenisi!



Kgothatso o tamba zwavhuḡi kha yeneyo mitambo. Zwa vha mathomo a lwendo lwawe lwa u vha mutambi wa thenisi a dzulaho kha tshidulo tsha vhaholefhali.

O lambedzwa nga tshidulo tsha vhaholefhali na zwishumiswa zwa thenisi.

O vha e ṅdilani ya u vha mutambi wa muholefhali wa nṱhesa wa Afrika Tshipembe.



Kgothatso o thoma u dzhenela miṭaṭisano ya vhathu vha re kha zwidulo zwa vhaholefhali u mona na shango.

O fhenya kha miṭaṭisano ya ngei Belgium na Switzerland. O vha a tshi funesa muṭaṭisano wa ngei Switzerland.

Fhano Afrika Tshipembe, o ṅewa zwiphuga luraru lwoṭhe sa mutambi wa ṛwaha wa mufumakadzi a re na vhuholefhali.



Nga 2013 na 2014, Kgothatso o shela mulenzhe kha
mitatšisano ya mitambo ya thenisi ngei Australia, Fura, na
Amerika.

O tamba e eṭhe kha dzi *single*. A dovha a tamba na kha dzi
double, hune vhatambi vhavhili vha tatšisana na vhaṅwe
vhavhili.



Kgothatso o dovha a ṭaṭisana kha Mitambo ya Vhaholefhali, ine ya vha Mitambo ya Dzioḽimpiki ya vhatambi vho holefhalaho.

U ḽilugiselela yeneyi miṽaṭisano zwo vha zwi tshi ṽoḽa vhuḽidini vhuhulwane, fhedzi Kgothatso ho ngo laṽela thaula.



Kgothatso o dovha a vha mushumi wa biko kha pfunzo dzawe. O ya Yunivesithi ya Venda a gudela digirii ya Saintsia ya zwa u Dimvumvusa na Mitambo.

Ngei yunivesithi, mutambo wa thenisi wa vho dzulaho tshiduloni tsha vhaholefhali wo vha u wone fhedzi u re hone u itela vhatambi vho holefhalaho.



Wimbledon ngei England ndi fhethu hune muṭaṭisano i re na bvumo na ya kale ya thenisi ya farelwa hone ṛwaha muṛwe na muṛwe.

Nga 2018, Kgothatso o vha mufumakadzi wa u thoma wa Murema wa Afrika Tshipembe we a dzhenela muṭaṭisano wa vhugwena ngei *Wimbledon*.



Kgothatso o vha o fanela u fara lwendo lwa u ya England uri a tambe Wimbledon.

Fhedzi ho vha hu si na masheleni a u badela bufho na vhudzulo.

Kgothatso o vha a tshi khou vhilaela uri a nga si ye nga ntshani ha u sa vha na masheleni.

Zwi takadzaho ndi uri o wana thuso kha tshigwada tsha vhafumakadzi vha re na mabindu.



Nga 2018, Kgothatso o vha a tshi khou ya u dzhenela miṭaṭisano ya Wimbledon ya *Grand Slam* lwa vhuṇa.

Miṭaṭisano miṇa ya ndeme ya thenisi ya shango loṭhe i divhiwa sa *Grand Slam*.

O vha mutambi wa u thoma wa thenisi wa Muafrika o dzulaho tshiduloni tsha vhaholefhali we a vha kha muṭaṭisano wa dzi *Grand Slam* nṅa nga ṛwaha muthihi.



Kgothatso ndi mutambi wa thenisi a re tshiduloni tsha vhaholefhali wa vhuimo ha n̄tha fhano Afrika Tshipembe na Afurika. U vhalwa vhukati ha vhatambi vhatanu vha thenisi vha dzulaho tshiduloni tsha vhaholefhali shangoni lothe.

Naho o bvelela, Kgothatso u thusa na u tikedza vhañwe vhatambi vha re na vuholefhali.

U ri sumbedza uri ni nga ita tshiñwe na tshiñwe, naho ni muholefhali.



—Mbudziso

1. Kgothatso Montjane ndi nnyi? Țalutshedzani.
2. Zwo ȡa hani uri Kgothatso a thome u tamba thenisi?
3. Țeani dzina ȡa tshikolo tshe Kgothatso a guda khatsho u tshina mitshino ya *Ballroom* na *Latin America*?
4. Kgothatso o dzhenela lini miȡatȡisano ya *Wimbledon* ya *Grand Slam*? Ndi ngani zwi zwa ndeme?
5. Naa ni a tenda uri ni nga swikelela tshiȡwe na tshiȡwe, naho ni na vhuholefhali? Țalusani.
6. Ndi khaedu dzifhio dzine muthu ane a shumisa tshidulo tsha vhaholefhali a sedzana nadzo?
7. Ni humbula uri ndi ngani mme a Kgothatso vho khetha u mu fara nga nȡila i fanaho na ine vha fara ngayo vhaȡwe?
8. Ndi zwifhio zwithu zwine zwa ita uri vhathu vha fare vhaȡwe nga nȡila dzi sa fani?



Heyi bugu ya nganea yo nwalwa nga Lutswana sa
tshipiḁa tsha phurodzhekthe ya matheriaḁa dza u
vhala ya Zenex Ulwazi Lwethu ya 2021.

